

13.2 PËRZGJEDHJA E NUMËRATORËVE

Gjatë procesit të inventarizimit të materialit përmes numërorëve mund të përcaktoni:

- numrat e inventarit,
- numrat në vazhdim në numrin e vendit,
- numrat e huazimit.

Numërorët, kushtet e të cilëve u përgjigjen të dhënave për materialin do të sugjerohen, si vlerë e parazgjedhur në redaktuesin **Fusha 996/997**. Mund të përzgjidhni nga lista me lëshim poshtë edhe numërorë të tjerë, të cilët i keni përgatitur. Për t'i përcaktuar numrat, klikoni butonin **Përcakto numrat**. Numri i inventarit dhe numri në vazhdim në numrin e vendit do të përcaktohen menjëherë. Gjithashtu do të përcaktohet numri i huazimit të botimet monografike, ndërsa të serialeve numri i huazimit do të përcaktohet, nëse në nënfushën 997m është regjistruar numri i pranuar edhe në kontrollin e ardhjes së serialeve gjatë pranimit të çdo vëllimi.

Procedura

1. Në redaktuesin **Fusha 996/997**, klikoni butonin **Përcakto numrat**.

Numrat do të përcaktohen. Nëse një numër tashmë është i përcaktuar, programi do të paralajmërojë për këtë.

Nëse datën nuk e keni përcaktuar paraprakisht, data aktuale do të transferohet në datën e inventarizimit.

Data e çregjistrimit të serialeve do të llogaritet në fushën 998, duke u bazuar në datën e inventarizimit dhe të dhënat për periudhën e ruajtjes.

13.2.1 Përzgjedhja e numërorit në mënyrë automatike

Me parametrat në skedarin e konfigurimit, të metoda **Përcakto numrat**, e cila është e disponueshme përmes butonit në redaktesin **Fusha 996/997**, mundësohet përzgjedhja në mënyrë automatike e numërorit për numrat e inventarit dhe numrat në vazhdim në numrin e vendit, gjatë redaktimit të fushave 996/997. Në varësi nga kushtet, programi do të kërkojë dhe do të bëjë përzgjedhjen e numërorit përkatës për përcaktimin e numrave:

- Nëse programi nuk mund të gjejë numërorin përkatës, do të shfaqet porosia.
- Nëse, duke u bazuar në kushtet, në mënyrë manuale e keni përzgjedhur numërorin e gabuar për numrat në vazhdim, programi do ta zëvendësojë atë me numërorin përkatës. Numërori për numrat e inventarit, të cilat i keni futur në mënyrë manuale, nuk do të

zëvendësohet, edhe pse nuk i përgjigjet kushteve.

- Nëse numri tashmë është i përcaktuar, do të shfaqet porosia.

Duke marrë parasysh këtë vendosje të parametrave të numërorit, ekziston dallimi te kopjimi mes fushave 996/997:

- Nëse nuk i keni vendosur parametrat për përzgjedhje automatike të numërorit, çdoherë do të kopjohet numërori me të cilin pastaj përcaktohet numri i ri, pa marrë parasysh kushtet.
- Nëse i keni vendosur parametrat për përzgjedhje automatike të numërorit, te çdo fushë në varësi nga kushtet, numërori me të cilin përcaktohet numri do të përzgjidhet rishtazi.